

Դուռն, եւ նա արար ըստ բանից նոցա (1737. 'ի 25 Փետրվարի) :

Այլազգի գոնապանք Ս. Յարութեան ոչ շատացեալ սահմանեալ տօք իւրեանց, պահանջէին 'ի Լատինաց յիւրաքանչիւր ամիսս 30 դահեկան, եւ զայլ գումարս տարեկան զգեստուց եւ ջուխայի . եւ 'ի բացասել Լատինաց, ոչ բանային զդուռն տաճարին, որով լինէր նոցա վիշտ եւ նեղութիւն, եւ արհամարհումն ուխտաւորաց նոցին . եւ 'ի խստանալ այլազգեաց, ազդ արարին դեսպանին Փաղլիոյ 'ի Կոստանդինուպօլիս . եւ նա եհան հրովարտակ ըստ դաշնագրութեան իւրեանց, չնեղել զԼատին կղերս, եւ չպահանջել 'ի նոցանէ աւելի ինչ քան զսահմանեալն, եւ 'ի ժամանակին անտրուռնջ բանալ զդուռն, ՎՋԳ : Ընթերցաւ նաեւ հրովարտակն այն, յորում խտալս պատուիրէր Արքայ կուսակալին Դամասիոսի եւ դատաւորին Երուսաղէմի, սաստել զՀայս եւ զՅոյնս դադարիլ 'ի խռովութենէ եւ 'ի կռուոյ, եւ անհնազանդից սահմանեալ պատիժն է բանալ եւ բերդարգել . եւ չտալ թուղթս դատաւորաց՝ մեծամեծացն այլազգեաց եւ այլոց, եւ նոյն իսկ կուսակալին ոչ Յունաց եւ ոչ Հայոց, ՎՋԳ (1737) :

Իսկ Պարրիէլ վարդապետ Աթոռակալ՝ կամեցեալ գերծուցանել զվանս Ս. Փրկչի 'ի վերահաս վտանգէ, ետ շարել զմանր քարինս առանց շաղախի շուրջանակի 'ի վերայ պարսպին 'ի զգուշութիւն գողոց եւ աւազակաց . զի սովորութիւն լեալ էր նոցա գալ 'ի գիշերի եւ ձգել պարանս 'ի պարիսպ անդր եւ ելանել 'ի վեր : Եւ երաց պատուհան 'ի վերուստ 'ի վերայ արտաքին դրան, 'ի դիտել անտի գոնապանին զեկեալսն եւ զբաղխողս դրան . զի բաղում անգամ այլազգիք խարէյութեամբ տային բանալ զդուռն, եւ մտեալ 'ի ներքս գործէին զչարիս եւ զվնասս : Մեծացոյց եւ զպատուհանն 'ի վերայ դրան եկեղեցւոյ . արար եւ նորոգութիւնս ինչ 'ի վանս Բեթղէհէմի (1738) :

Մինչդեռ զբաղեալ էր Պարրիէլ վարդապետ 'ի նորոգել զաւերեալ տեղիս, յարեան Լատինք եւ կամէին յափշտակել զեղանն Հայոց կից յարեւմտեան յորմն գերեզմանի Ս. Աստուածածնի, 'ի ձորն Գեթսէմանի, եւ հակառակեալ պնդէին իսկ թէ սեփականութիւն սեղանին այ-